

GOLLIRDU HOOREEJO BATTAA EN

BURKINA FASO
Potal - Humtaare - Sariya

HOORUUJO GUVERNEMA

**KUMPITAL
BATU BATTAA
EN**

(PP-G/TRANS N°026-
2024)

--

Rimtalba Jan Emanuyel WEDIRAWGO

Wagadugu, ñannde 31 lewru jedɗaburdu 2024

Batu battaa en joyfinaama Wagadugu,
Ñannde alarbaare 31 lewru jeddaaburdu hitaande 2024,
e dow joonde mum woowunde wadeede, yuude
yamnde, 9 yahade yamnde 12 e min. 46, dow hooraaku
e teddeengal kapiten Ibrahim TARAWORE,
Hooreejo leyde men, Persidan batu battaa en.

Batu oon tabintinii ko aykaa ley ndee joonde,
hettindii kibaaruuji kaalaadi, hokki golloobe laamu
dey hokki laawol misiyonji ngadowee
leyde janane.

I. KO TABINTINAA

I.1. BANNGAL BATTAARE HIILNIINDE HAWJU LAAMU LEYDI, DESAANTRALIJASON E NDEENAAGU LEYDI

Batu battaa en adii **dekere** kolloowo nokkuuje dō poliisi en njeji gollude e dō janarma en du njeji gollude tawee 6e kawtaay nokku golle ley leydi men.

Laluwaa L°032-2003/AN mo ñannde 14 mlewru joyaburdu 2003 kolloowo no ndeenaagu ley leydi men yaharata na holla nokkuuje fu dō poliisi en njeji gollude e dō janarma en njeji gollude, tawee sii sarwiisi fu na wondi nokkuuje dē batu battaa en ndarnani dūm golla. Ndelle dō poliisi woni na golla fu janarma tawataake, no janarma gollata fu poliisi waawaa gollude dōn.

Oo dekere ko riiwata yo tabintinde oo laluwaa heba taa poliisi en e janarma en kawta nokku golle, dūm won ley wuro maa galluure wootere.

Heba golleeji poliisi en e janarma en kawta nokku gooto hono no taykortee hannden nih, poliisi en ngollan ley kominniiiji galluuje dey janarma en ngolla ley kominniiiji gure.

Adugol oo dekere na walla hegintinde golleeji deenooji leydi men dey nokkuuje fuu keba sarwiisiiiji ndeenaagu ley leydi men.

I.2. BANNGAL BATTAARE HIILNIINDE YIGIRAAGU E LEYDE JANANE, GOLLIDAL E LEYDE FIILUDE EN E BURKINAABE GONU'BE JANANDI

Batu battaa en adii **talkuru humpitirdu** banngal demandi hokkugol laawol joyfingol konsil jeneral Faransi ley Burkina Faso.

Batu battaa en hokkii laawol faa Musey Matiye **DEKELERKI**, hokkee laamu Konsil Jeneral Faransi ley Burkina Faso.

I.3. AU BANNAL BATTAARE HIILNIINDE FAGGUDU, CEEDE LAAMU E AYKA GOLLE LEYDI

Batu battaa en adii **talki humpitirdi tati (03)**.

Talkuru humpitirdu artiindu na haala haala **porje dekere** hokkoowo laawol yeenugol laamu ceede bannal golleeji battaare hiilniinde ñibdiiji laabi leydi.

Ko heydi ley ngal gollal yo wadugol golleeji njeeneteedi ley sarwiisiji laamu ñibooji laabi e ko nanndim, dūm won sonnugol talki kokkooji laawol tewtugol golle laamu e tewtugol talki gollirteeḍi golle laamu.

Adugol oo dekere na walla jabugol njeenaari cubaandi dey nanna ceede ley keesu laamu, hono no talki sariya yamiriri nih e tawti beydugol naatudee ceede ley keesu battaare hiilniinde ñibdiiji laabi faa wattee ley keesu laamu.

Talkuru humpitirdu didaḃurdu na holla **porje laluwaa** kokkoowo laawol faa ñamaande ade ñannde 30 lewru joyaḃurdu hitaande 2024 ley galluure Nairobi leydi Keniya hakkunde Burkina Faso e Banki araabu kiilniido bantaare e faggudu ley Afirikki (BADEA) heḃa gineeji coodowee leyde laarabuube, Afirikki e ley adunaaru dey ngaddee Burkina Faso.

Ngal paamiral ñamaande hakkunde Burkina Faso e banki aaabu (BADEA) na foti buudi miliyonji **50 000 000** leydi **USD**, dūm won miliyaariiji **27 e miliyonji 500 000 000** **SEEF**A. Ko riiwetee ley adugol nde ñamaande, yo hokkude leydi men petorol mo coggu koyudo.

Ko buri riiweede ley dee golle yo ko rewti dūm :

- nannude ley lebbi tati fu, isansi beydaado e ko woowunoo soodeede ko foti tonniiji metirikki 60 000 ;

- hebbide muuyde yimbe bannal kebande be siiji isansi tawee na beydoro hitaande fu 8% ;
- buytude depansii keesu laamu ko foti miliyaarii 27,5 SEEFA wawtu golle de ;
- beydugol tinu sosiyete laamu kiilniido isansii dum won (SONABHY) ko fotiri buudi miliyaarii 19 SEEFA ley wawtu oo golle.

Batu battaa en hokkii laawol talki namaande din njahare Asammbele depite en Tranzison.

Talkuru humpitirdu tataburdu na haala haala **porje dekere** kolloowo no njobdii direketeere jeneral, sekereteere jeneral, ndaaroowo keesu mawdo, e yimbe konsey tuumtotoodo keesu ndesa ceede e ceede nibirde leydi Burkina Faso (CDI-BF) njeyi yaharude.

Ko o dekere riiwata, yo tabintinde laluwaa L°39-2023/ALT mo nannde 05 sappoburdu hitaande 2023 kolloowo joyyingol, seegila, golle e njaaki golle keesu ndesa ceede e nibdii leydi men faa holla no njobdii hooreebe sarwiisii mawdi Burkina Faso (CDI-BF) njeyi yaharude e tawti hawaatimeere njobdii golloobe ley din sarwiisii.

Adugol o dekere na walla hebude talki sariya kollooji no njobdii hooreebe sarwiisii mawdi e yimbe konsey tuumtotoodo keesu ndesa ceede e nibdii Burkina Faso njeyi yaharude.

I.4. BANNAL BATTARE HIILNIINDE POTAL E KAANE YIMBE, DARANIINDE GOLLIDAL HAKKUNDE SARWIISII MAWDI

Batu battaa en hiiiii **porje laluwaa** segila golle, kolloowo golle, yimbe golloobe, segila e njaaki golle konsey leydi daraniido ndeenaagu leydi.

Ko o porje laluwaa ko riiwata, yo tabintinde doygol laamu L°045-2023/ALT mo ñannde 30 lewru sappo e didaɓurdu hitaande 2023 kolloowo saatagol doygol leydi e beydugol (tayfe 160.1) semmbe sarwiisi laamu mawɗo innditiraado konsey ndeenaagu leydi na raɓɓindiniraa « CNSE » kiilniido tabintingol politikki ndeenaagu leydi men banngal hebande en kibaaruuji celluɗi deenirdi leydi.

Batu battaa en hokkii laawol talki diin njahare Asammbule depite en Tranzison.

I.5. BANNGAL BATTAARE HIILNIINDE DEMAL, MARAL E JAWDI YUWNDI LEY NDIYAM

Batu battaa en adii **talkuru humpitirdu** kollooru talkuru annditirdu Porogaram bantaare nannoore yimbe ley golleeji demal, maral e ledɗe innditiraado « **gollal kesal Lijeegoli** ».

Yo Porogaram feereejo bantaare nannoore yimbe ley golleeji demal, maral e ledɗe innditiraado « **gollal kesal Lijeegoli** » ko innde porogaram on fiirtata yo keyal ñaamdu ley haala gurmankooɗe. Yo porje joyɗinaado faa riiwa sadɗaaji yimbe banngal demal, maral e jawdi ndiyam. Ko ngal gollal riiwata yo hebande yimbe fuu ñaamdu heyooru e neebooru dey buyta adadu porjeeji e ittude yimbe e walleede.

Tabintingol gollal kesal Lijeegoli wallan semmbinde keɓal gollal mawngal ummaniingal golle demal, maral e golle ndiyam dey yahara yeeso wattitingol golle demal e gollitirdi ballirteedi remooɓe ley Burkina Faso.

O Porogaram na jeyi so neebii, wallude no woodiri hebande yimbe fuu neema keyoowo, moyɗina cogguuji remooɓe e marooɓe dey walla yimbe keɓa golle ngolla dey keɓa ko mbuurda.

Gollal kesal Lijeegoli na wondi calɗi tati:

- **saldu 1:** beydugol keba banngal ndemri, maral e awagol liyŷi. Nduu saldu golle ko riiwata yo beydude no neebirta kebal ley golle ndemri, maral e awagol liyŷi saabe wallirgol laamu gollitirdi demirdi, marirdi, golle ledde, liyŷi e tinndinooje banngal golle deen.

- **saldu 2 :** huynugol burondirde ley golle ndemri, maral, ledde e awagol liyŷi.

Nduu saldu golle ko riiwata, yo semmbinde ko darjinta ley hebal ndemri, maral e awagol liyŷi, ko buri fu, waylitingol ko hebaa e sonnude dum, tawee burondirgol ko woodi wattanaama hiilngo.

- **saldu 3 :** tuumtagol e hawjagol porogaram on. Porogaram yo yimbe jeyube ko'e muɓben kawjotoo golle deen. Hawjotoobe been yo dow hooraaku ayka Porogaram 080 « hawju e mballa » ngoni. Tuumtotoobe ben joyŷinte ley ndewgu fu heba ngalla golle tuumtagol ngol.

Nokku golle gollal kesal Lijeegoli yo dow leydi Burkina Faso fuu wadete.

Tabintingol oo rappoor wallan yaharude yeeso golle porogaram nannoowo yimbe ley bantaare golle ndemri, maral, ledde e awagol liyŷi kaɓɓodiide e «gollal kesal Lijeegoli ».

I.6. BANNGAL BATTAARE HIILNIINDE CELLAL E LA'AARE SUUDU BAABA

Batu battaa en adii **rappoor** kaaloowo haala demandi haɓugol laawol faa soodiree a paamiral hakkunde anterepiriisiiji di laamu jeyaa e battaare hiilniinde cellal heba firigooji 1 650 e konjelateeriji 110 coodowee ngaddee dey njoyŷinee ley cuudi dokotorooɓe leydi men.

Batu battaa kiilniido cellal e la'aare suudu baaba banngal porje segila e haɓdugol ñaw KOVIIDI-19 (PPR COVID-19), hebanii leydi men firijideeriji

1650 e konjelateeriji 110 gollirooji kuuran naange faa nawtoree banngal jogagol cafaaje pese jeyude reseede ley peewri wawtu fu. Din gollitirdi ngattete ley cuudi dokotorooje leydi men banngal pese.

Faa dii gollitirdi feewinooji cafaaje ECF neebira duubi sappo tawee bonaay, na di jeyi joy/inireede e hawjoreede no woodiri. Den golle yo loomto wonnoowo firijideeriji e konjelateeriji di gonudo Burkina jeyi hawjaade gollitirdi din faa hi6ba duubi sappo (10) sabu na anndani golle den.

Batu battaa en hokkii laawol faa luumo ngo hokke **anterepiriisi SINOVI SARL** ko buudi **miliyonji keme didi e capande tati e jeddi e buudi ujunaaji capande tati e jeegom (237 036 000) SEEFA** tawee sii lampooji fu beydaama, e tawti buudi ko foti **miliyaaru 1 e miliyonji keme jeegom e capande jeegol e jeenay e buudi ujunaaji capande nay e joy e buudi keme jeegom (1 669 045 600) SEEFA** tawee sii lampooji fu beydaama. Hake booyol golle den yo balde capande tati (30) ko sii ginewol fu.

Yo Banki mondiyal hokkata ceede deen.

I.7. AU BANNGAL BATTAARE HIILNIINDE BANTAARE LUUJINJI, JAAGU, ÑEENAL E ANTEREPIRIISIJI PAMARI E POTORDI

Batu battaa en adii **dekere** kolloowo wattitingol dekere L°2014-590/PRES/PM/MICA/MEF/MME mo ñannde 10 lewru jeddaburdu hitaande 2014 joyfinoowo Sosiyete ittoowo jawdi darjundi ley leydi Burkina Faso (SOPAMIB).

Oo dekere yo saatagol dekere L°2014-590/PRES/PM/MICA/MEF/MME mo ñannde 10 lewru jeddaburdu hitaande 2014 kolloowo Sosiyete ittoowo jawdi darjundi ley leydi Burkina Faso.

Yo heba golle kanje beyda nannugol ceede mum ley keesu laamu banngal siiji lampooji, dey guvernema joyfini oo sosiyete laamu innditiraado « Sosiyete

gaddanoowo Burkina Faso jawdi » ley hitaande 2014. Illa joyyinegol oo sosiyete, talki sariya jeyudi tabintinde golle makko ngdaaka.

Wattitingol njaaki golle duubi belliidi di, dum won saatagol sariya ittugol jawdi leydi darjundi na holla siinere Guvernema bantude golle yimbe leydi men. Dum saabii dey, na tilsi keben sarwiisi mawdo jeyudo hoorem bannagal hawjum dey tawee na rewi laabi sardiiji sosiyeteeji jaagotoodi.

Sosiyete on (SOPAMIB) gollem yo, nannude Burkina e burkinaabe ley hoore jawdi sosiyeteeji ittooji jawdi leydi darjundi e karriyeeriji, yaharude yeeso porjeeji ittooji kanje di leydi men jeyi e huynude yobugol laamu siiji lampooji.

Ko heydi ley oo dekere wattitoowo golle, ko buri fu, yo semmbinde golle sosiyete SOPAMIB e lallinde kulle e golleeji fu di koolnaaki.

Adugol oo dekere wallan tabintinde golle Sosiyete ittoowo jawdi darundi ley leydi Burkina Faso heba beyda ceede de ittugol kanje e ko nanndim faa nguurndam yimbe e jawdi leydi Burkina Faso yahara yeeso.

I.8. AU BANNAL BATTAARE HIILNIINDE KUURAN, MINNIIJI E KARIYEERIIJI

Batu battaa en adii **dekereeji didi (02).**

Dekere arano na tabintina sardiiji sosiyete Sosiyete ittoowo jawdi darjundi ley leydi Burkina Faso (SOPAMIB).

Oo dekere na walla Sosiyete ittoowo jawdi darjundi ley leydi Burkina Faso hebude talki sariya heba gollira golem no hegitorii, hiono no laluwaa L°025/AN mo ñannde 06 lewru sappo e go'aburdu hitaande 1999 kolloowo sariyaaji kuubudi ko sosiyeteeji di laamu watti ceedem njeyi yaharude.

Dekere didamo na holla buytugol mbedfudi e heydintingol talkuru kokkooru laawol ittirgol jawdi leydi Taparko e masinaaji ko sosiyete Taparko miiningi (TM) SA.

Hawju nokku ittugol kanje Taparko na wondi sadfaaji kabfodiidi e rafi ndeenaagu, sabu yahugol ley nokkuuje kanje godde jaajude na faa golla tiidina tewtugol kanje dow mbedfudi fotundi km² 670,82 yo mbadfudi fortundi **km² 182,11** tan waawi yeheede e golleede ley nokkuuje kanje Taparko.

Caggal dum, talkuru ittirdu kanje Taparko ndun waatan nannde 4 lewru jeetataburdu hitaande 2024, ndelle na ndu jeyi fudfiteede wadeede ko duubi joy (05). Ley o wawtu kanje itteteede hewtan **tonniji 7,626** kanje.

Banngal waddangol laamu ley keesum, oo porje wallan buudi anniyaadi hebeede yo **miliyaariiji capande jeegom e go'o e miliyonji keme jeenay se capande jeegom e go'o e buudi ujunaaji sappo en nay e keme tati e buudi jeetati e tammaaje diidi (61 961 014 408,2)** Seefa banngal lampooji e usuruuji kanje.

Hebande keesu bantaare, ceede ko foti **miliyaariiji tati e miliyonji hemre e capande nay e jeenay e buudi ujunaaji hemre e capande joy e buudi keme joy e capande jeegom e jeetati e tammawal gootal (3 149 150 568,1)** SEEFA. Caggal dum, porje on wallan hebande yimbe men golle booyooje 548.

Adugol o dekere wallan faa talkuru ittirdu kanje sosiyete Tarpako miningi (TM) SA h waatundu hokkeede talkuru heyru.

II. KIBARUUJI KALAADI

II.1. Battaa ballo battaa kiilniido gollidal leyde piiliide en adudo lunnde battaa kiilniido yigraagu hakkunde leyde, gollidal e leyde piiliide en e burkinaabe gonube leyde janane hokkii **kibaaruuji didi (02).**

Kibaaru arano o na humpita yahugol burkinaabe kawrital adunaaru gadaangal yuwde ñannde 27 yahade ñannde 28 lewru jeegaɓurdu hitaande 2024 galluure Sangay ley leydi Siin.

Ngal kawrital leyde adunaaru ngal lekkol mawɗo Sangay waddi e yimbe Siin e yimbe Afirikki e tawtu sarwiisiji mawɗi kiilniidi ceede ley adunaaru.

Tawegol yimbe Burkina Faso ley ngal kawrital e lekkol men kiilniido jannde seebunde (INHEI) wallii miilagol banngal sadɗaaji e dabareeji gollidal hakkunde leyde heba bantaare booyoore hebanee leyde Afirikki dey yahara yeeso gollidal leyde Afirikki e Siin banngal politikki, finaatawaaji, jannde, faggudu jawdi e ndeenaagu piilki.

Kibaaru didaɓurdu humpitii batu battaa en jahaangal ngal battaa kiilniido gollidal e gende janane, yigiraagu gende piiliide en e ndaarande burkinaabe gonube leyde janane, galluure Malabo leydi Ginee Ekuwatoriyal.

Jahaangal wadaangal yuwde ñannde 10 ayahade 11 lewru jeddaɓurdu hitaande 2024, yimbe Burkina nulaabe toon kaaldii e persidan leydi Ginee Ekuwatoriyal teddinaado Musey Tewdooro Obiyang **NGEMA MBASOGO** e tawti battaa Ginee Ewatoriyal kiilniido yigiraagu hakkunde leyde.

Ngal jahaangal wallii ndaarude no leyde men didi dee gollidata dum won Burkina e Ginee Ekuwatoriyal dey tinno-ɗen yigiraagu men e gollidal men yahara yeeso banngal demal e jaagu. Ngal jahaangal wallii humpitinde hooreeɓe Ginee Ekuwatoriyal no gollidal leyde waalde leyde Saahel ayewes (AES)yaharata.

Battaa men e gollidiibem kebii kawrii dey kaaldi e yimbe men wonube ley ndii leydi.

II.2. Battaa kiilniido maaje, hayaaku e golle yimbe adudo lunnde battaa kiilniido ballondiral, daranagol yimbe wondube sadfaaji e koreeji, humpitii batu battaa en jahaangal ndal guvernema wadi Niyangoloko,saabe sadfa burkinaabe 173 ndiiwaafe Kodi-Waara.

Konsey departema daraniido sadfa ukkiido e moyfyingol ko boni (CODESUR) Niyangoloko hollaama ñannde 16 lewru jeddaburdu hitaande 2024 kee yimbe Burkina hemre e capande jeddo e tato (173) ndiiwaama leydi Kodi Waara. B en burkinaabe njabbaama dey kokkaa cuudi baalirdi to waaldeere wi'eteende TON.

Dow hooraaku Consey ndewgu daraniido sadfa ukkiido e moyfyingol ko boni (CORESUR), gollanoobe laamu ley gure njaharii mballa ko yaawi to yimbe men. Ko be mballiraa yo ko rewti dum :

- sawrugol ñawbe ;
- moyfyingol nokku ley baade waalde TON ;
- mballa e tinndinooje yimbe tampube ;
- reenugol nokkuure nden.

Guvernema dow Consey nasonal mballa saabe sadfa e moyfyingol (CONASUR) hokkii ñaamdiiiji e gineeji pukkordi e golleeji la'aare.

Wawtu yeewto wadidaango e riiwaafe leydi Kodi-Waara, loomto maabe barkinii laamu Burkina saabe mballa kebaado dey kolli ko be mursi wawtu riiwegol maabe. Gineeji maabe e mare maabe 659 teetaama.

Laamu adii aadi fiirtude sadfaaji maabe, wallinii hakkillooji maabe kee be ngadan ko be ngatta fuu faa be kebta jawdi maabe heddiindi Kodi-Waara.

III. HOKKUGOL LAAMU

III.1. HOKKUGOL LAAMU LEY SARWIISIJI LAAMU MAWDI

A. BANNGAL PERSIDANSI DI FASO

- Madam Kantoro Eñiyabi Siril **GANU/BADOLO**, Hawjotoodo golle kabɓodiide e nguurndam yimbe, hokkaama laamu Ammbasadeere mawdo e loomto Burkina Faso ley galluure Rom (leysi Itali).

B. BANNGAL BATTAARE HIILNIINDE KUMPITAL, FINAATAWAA, ÑEEÑAL E TUURISMU

- Musey Moktar **SANFO, Mle 117 275 J**, janngudo hawju jawdi finaatawaa, kalaasi 1, eselon 8, wadaama hooreejo Porogram « 039 finaatawaa », dey beydita e golle direketeere Jeneral finaatawaa e ñeeñal;
- Madam Monikkki **WEDIRAWGO/ILBUUDO, Mle 212 190 U**, Kawjotoodo sarwiisiji tuurismu, kalaasi 1^{bo}, eselon 8^{bo}, wadaama hooreejo Porogram ayka keesu « tuurismu 040 », dey beydita e gollem direketeere Jeneral Tuurismu ;
- Musey Yirmale Ferederikki **SOME, Mle 98 284 G**, janngudo golle kumpital e kibaaruuji, kalaasi 1^{bo}, eselon 3^{bo}, wadaama hooreejo Porogram 046 « Kumpital », dey beydita e golle direketeere Jeneral kumpital e kumpitirdi ;
- Musey Mamburu **SOMA, Mle 225 862 X**, janngudo finaatawaji, kalaasi 1^{bo}, eselon 7^{bo}, wadaama hooreejo Porogram ayka keesu 047 « Kawjotoodo e tuumtotoodo sarwiisiji MCCAT », dey beydita e golle direketeere Jeneral testugol annde e hiisaaji golleeji feerefeereji ;
- Musey Somayalma Berenjer **KUNKORGO, Mle 200 492 X**, janngudo hawju golloobe e hawju sarwiisiji, kalaasi 1^{bo}, eselon 6^{bo}, wadaama Direkteere kawjotoobe golloobe ley santiri ndewgu ko ñeeñal ley Afirikki (CERAV/AFRIQUE).

**C. AU BANNGAL BATTAARE HIILNIINDE HAWJU LAAMU
LEYDI, DESAANTRALIZASON E NDEENAAGU**

- Madam Aysata Anjelina **TARAWORE, Mle 104 429 K**, Janngudo hawju laamu, wadaama Sekereteere jeneral ndewgu santiri ;
- Musey Moktar **ILBUUDO, Mle 238 025 V**, Janngudo hawju laamu, hokaama laamu Hoo-komiseere Kuritennga ;
- Musey Fernan Wenseslaasi Yisembalo **NDO, Mle 303 943 M**, Janngudo hawju laamu, wadaama Sekereteere jeneral ndewgu Kouritenga ;
- Musey Haaruuna **KOMBASERE, Mle 260 036 X**, Janngudo hawju laamu, wadaama Sekereteere jeneral ndewgu Kurwewgo ;
- Musey Dawda **GANO, Mle 200 304 T**, Janngudo hawju laamu, wadaama Sekereteere jeneral Seeno ;
- Musey Zakariya **NEYA, Mle 105 195 K**, Janngudo hawju laamu, wadaama Sekereteere jeneral porvensi Sum ;
- Musey Suleyman **NABALUM, Mle 105 192 Z**, Janngudo hawju laamu, wadaama Sekereteere jeneral porvensi Yaaga ;
- Musey Brahma **KONE, Mle 98 007 F**, Janngudo hawju laamu, wadaama tinndinoowo anndando golle kiilniido kaane yimbe, sakkotoodo e ñifoowo woldeeji hakkunde leñi to Guverneere ndewgu Bukkulu di Muuhun;
- Musey Mwiniyanaa Metuyor **SOMDA, Mle 260 022 E**, Janngudo hawju laamu, wadaama tinndinoowo anndando golle kiilniido kaane yimbe, sakkotoodo e ñifoowo woldeeji hakkunde leñi to Guverneere ndewgu Kasikaadi.

**D. BANNGAL BATTAARE HIILNIINDE, CEEDE LAAMU
E AYKA GOLLE LEYDI**

- Musey Mahamadi Etiyen **JALLO, Mle 228 774 Y**, Mawdo kawjotoode ceede laamu, kalaasi 1⁶⁰, eselon 4⁶⁰, wadaama hooreejo sarwiisi ñifoowo woldeeji ley laamu ;

- Musey Kowabiyetti **TIYAWO, Mle 91 241 M**, Mawdo kawjotoodo ceede laamu, kalaasi 1^{bo} , eselon 10^{bo}, hawjotoodo golle ley sarwiisi Porje 2 mo Porogaram semmbinoowo hebande yimbe ñaamduuji ley Saahel (P2-P2RS).

E. BANGAL BATTAARE HIILNIINDE SARIYA E KAANE YIMBE, DARANIINDE GOLLIDAL HAKKUNDE SARWIISIJI MAWDI

- Musey Rasmaane **MOYENGA, Mle 97 552 Z**, mawdo Gerefiyer en, kalaasi 1^{bo} , eselon 2^{bo} , wadaama Direketeere hawju e tuumtotoodo ofisiye en lugotoobe faa njiita goonga ley sariya ;
- Musey Suleyman **KEERE, Mle 130 452 E**, Juuju, kategori P5, garade 1^{bo} , eselon 3^{bo} , wadaama Direketeere sariyaaji e winndugol sardiji;
- Madam Eñoma Pasikal **BAMBARA/BADO, Mle 130 471 V**, Juuju, wadaama Direketeere koynoowo hebude nawtoragol sarwiisiji kiite e mballaa torraabe (DAJAV) ;
- Musey Sugurinooma Rolan **KAFANDO, Mle 92 606 F**, Mawdo gardiibe kasu, kategori 1, eselon 2^{bo} , wadaama Direketeere kasu do golle demal wadaa ley galluure Baporo.

F. BANGAL BATTAARE HIILNIINDE JANNDE DOWUURE, TEWTUGOL ANNDE KESE E GOLLITIRDI KESI

- Madam Hagiratu **SAWADOGO/LENGANI, Mle 046 543 U**, Hooreejo tewtugol annde kese, kategori P1, kalaasi fu burudo mawnude, eselon 1^{bo}, wadaama nuleteedo battaa ;
- Musey Zekiba **TARNAGADA, Mle 43 871**, Hooreejo tewtugol annde kese, kategori P1, kalaasi fu burudo mawnude, eselon 3^{bo}, wadaama nuleteedo battaa ;
- Musey Nommam Abdul Aziz Vensan **YELBI, Mle 324 689 D**, hawjotoodo golle laamu, kalaasi 1^{bo}, eselon 4^{bo}, wadaama Sekereteere jeneral Iniversite Yemmbila Abdulaye TOGUYENI (UYAT).

III.2. HOKKUGOL LAAMU LEY JOONDEEJI SARWIISIJI LAAMU

Batu battaa en hokkii laamu ley joonde sarwiisiiji mawdi :

- keesu ballirdo rewbe gadoobe golleeji paggorteedi (FAARF) ko battaare hiilniinde ballobdiral, mballa gondube saddaaji, paamiral yimbe e kooreeji;
- sarwiisi mawdo kokkoowo ceeede e jaarowo yeeso anterepiriisiiji pamari e potordi (AFP-PME) banngal battaare hiilniinde bantaare luujinji, jaagu, ñeeñal e anterepiriisiiji pamari e potordi ;
- keesu cubanaado moyyingol laabi Burkina (FSR-B) banngal battaare hiilniinde ñibdiiji laabi.

Batu battaa en suboke persidan en joonde hawju sarwiisi mawdo kokkoowo ceeede e jaarowo yeeso anterepiriisiiji pamari e potordi (AFP-PME) e keesu cubanaado moyyingol laabi Burkina (FSR-B) (FSR-B).

A. BATTAARE HIILNIINDE BALLOBDIRAL, MBALLA GONDUBE SADDAAJI, PAAMIRAL YIMBE E KOOREEJI

Batu battaa en adii **dekere** kolloowo hokkugol laamu Musey Brama **DAWO, Mle 230 010 X**, ballo tewtugol annde kese e hiiñugol, hooreejo loomto laamu, daraniido battaare bantaare luujinji, jaagu, ñeeñal e anterepiriisiiji pamari e potordi ley joonde hawju keesu ballirdo rewbe gadoobe golleeji paggorteedi (FAARF) (FAARF) o hokkaama manda mo duubi tati (03), o adan lunnde Musey Nuufu PITIROPA.

B. BATTAARE HIILNIINDE BANTAARE LUUJINJI, JAAGU, ÑEEÑAL E ANTEREPIRIISIIJI PAMARI E POTORDI

Batu battaa en adii **dekere**ji dīdī (02).

Dekere arano na heyɗintina booyol golle Musey Pindabamba **NABALUM, Mle 55 749 L**, Mawɗo hawju ceede laamu, kawjotooɗo loomtoowo laamu, ko battaare hiilniinde faggudu jawdi, ceede e ayka golle leydi ley joonde hawju sarwiisi mawɗo hokkoowo ceede e yaharoowo yeeso anterepiriisiji pamari e potordɗi (AFP-PME) booyol golle makko yo duubi tati tan (03).

Dekere diɗamo na heyɗintina booyol golle Musey Pindabamba **NABALUM, Mle 55 749 L**, Mawɗu hawju ceede laamu, kawjotooɗo loomtoowo laamu, ko battaare hiilniinde faggudu jawdi, ceede e ayka golle leydi ley joonde hawju sarwiisi mawɗo kokkoowo ceede e jaarooowo yeeso anterepiriisiji pamari e potordɗi (AFP-PME) booyol golle makko yo duubi tati tan (03).

C. BATTAARE HIILNIINDE ÑIBDIIJI LAABI LEYDI FAA YAYAWARA HOYA

Batu battaa en adii **dekereji tati (03)**.

Dekere arano na hokka yimbe rewtuɓe ɓe laamu, hawjotooɓe joonde hawju keesu cubanaaɗo moyɣingol laabi Burkina (FSR-B) ko booyol golle duubi tati (03).

HAWJOTOOBE DARANIIBE LAAMU

Battaare hiilniinde ñibdiiji laabi leydi faa yayawara hoyo:

- Musey Muumuni **ILBUUDO, Mle 216 124 W**, janngudo ñibdiiji laabi.

Banngal battaare hiilniinde faggudu jawdi, ceede e ayka golleeji leydi :

- Musey Seydu **BAARO, Mle 96 911 K**, Hooreejo sarwiisi ceede laamu.

KAWJOTOODO DARANIIDO GOLLOOBE KEESU CUBANAADO LAABI BURKINA

- Musey Ibeer **SAWADOGO**, Mle 22 P 01 79, Jabooowo ceede lampa dow laabi.

HAWJOTOODO DARANIIDO SUUDU JAAGU E LUUJINJI LEY BURKINA FASO (CCI-BF)

- Musey Mahamady **KUSUBE**, Direketeere jeneral CCI-BF, faa ada lunnde Musey Isaaka KARGUGU.

Dekere didamo na beyda booyol golle Musey Kuliga Kaasum **SEMPOORE**, Sekereteere nasonal waalde taransiporteere en dow laabi Burkina Faso (OTRAF), kawjotoodo golle dow lunnde baale taransiporteere Burkina ley joonde hawju keesu cubanaado moyfyingol laabi Burkina (FSR-B) ko duubi tati tan (03).

Dekere tatabo na wada Musey Muumuni **ILBUUDO**, Mle 216 124 W, jannugdo golle laabi, hokkaama laamu Persidan Joonde hawju keesu cubanaado moyfyingol laabi Burkina (FSR-B) ko booyol golle aranol duubi tati (03).



www.sig.gov.bf

Hooruujo Governema

Le Porte-parole du Gouvernement,



Rimtalba Jean Emmanuel OUEDRAOGO
Officier de l'Ordre de l'Étalon

Rimtalba Jan Emanuyel WEDIRAWGO
teddinirado mbarjitaari dubal puccu

Hello 21 dow 21